

SCRIPT OF MORNING GOJRI NEWS BULLETIN 13AUG 1015 HRS

مارننگ گو جری نیوز بلیٹن مورخہ 13 اگست 2025

یوہ آکا شوانی جموں ہے عبدالرحمان تیں خبر سُنو۔

LG AMARNATH YATRA

لیفٹیننٹ گورنر منوج سنہا نے شری امرناتھ جی شرائین بورڈ غا افسران، انتظامیہ سکیورٹی فورسز، سروس فراہم کرن آلاں طبی ماہرین این جی اوز غ اممیران ت دیگر شراکت داراں نانہ امرناتھ یاترا 2025 گا کامیاب انعقاد ور مبارک باد دتی۔ سرینگر مانہ منعقدہ تقریب مانہ انہاں نے تمام اہلکاراں رضاکاراں تے عوام غا تعاون نانہ سہرايو جن غی وجہ تیں یہ یاترا محفوظ تے روحانی اعتباد تیں کامیاب رہی۔ اس یاترا مانہ 4 لکھ 14 ہزار تیں متہ عقیدت منداناں نے حصو لیو۔ ایل جی موصوف نے کہیو کہ یوہ پیغام ہے اُن عناصر غے خلاف جہیزا جموں کشمیر مانہ امن نانہ نقصان اُچانو چاویں تے ہُن ہر باتری جموں کشمیر غو سفیر ہے۔

CM AGRICULTURE

وزیر اعلیٰ عمر عبداللہ نے کہیو کہ زراعت تے اس تیں جڑی شعبہ جموں کشمیر غی معشیت غی ریڈ ھ غی ہڈی ہیں تے ہم ان مانہ خود کفالت حاصل کرنی چاہیے۔ یاه گل انہاں نے ایس کے ی اے ایس ٹی کے کے شالیمار کنونشن سینٹر مانہ نوا ویٹرنری اسٹینٹ سرجنز تے ہاڈ ٹیکلچر ٹوپلیمنٹ آفسیرز نانہ تقرری نامے دتا واں کہی، انہاں نے دسیو کہ زراعت جی ڈی پی تے روزگار مانہ اہم کردار ادا کرے۔ انہاں نے ہر ضلع مانہ ڈیری پروسیسنگ یونٹس قائم کرن غو اعلان کیو تے افسران ور زور دتو کہ زمینی سطح ور حقیقی تبدیلی لیاویں۔

SIA KASHMIR

قومی تحقیقاتی ایجنسی کشمیر نے سرینگر مانہ اٹھ مقامات ور چھاپی ماری کی۔ یہ کاروائی ایک 36 سال پرانا دہشت گردی گاہکس غا سلسلہ مانہ کی گئی۔ یہ تفتیش پولیس اسٹیشن نگین مانہ درج اس کیس تیں جڑی ہے جس مانہ 1990 مانہ سرلا بھٹ، جہیزا ایس کے آئی ایم ایس صورہ مانہ کشمیری پنڈت نرس تھیں نانہ دہشت گرداں نے بے رحمی نال قتل کیو تھو چھاپاں غے درمیان ایس آئی اے نے اس نانہ بے نقاب کرن مانہ مدد کریں گا۔ ادارا غو مقصد متاثرہ تے اس غا خانداناں نانہ دیر تیں ملن آلا انصاف فراہم کرنو ہے۔

I DAY SECURTY ARRANGEMENTS

یوم آزادی غی تقریبات غے پیش نظر جموں کشمیر مانہ بھرپور قومی جوش و جذبہ غے نال تیاریاں گو سلسلو جاری ہے پورا مرکزی زیر انتظام علاقہ مانہ خصوصی انتظامات کیا گیا ہیں پُر امن تقریبات نانہ یقینی بنان واسطے حساس مقامات ور حفاظتی بندوبست کیا گیا ہیں۔ اسکول، کالجاں تے سرکاری دفتر مانہ ثقافتی پروگرام تے ہر گھر ترنگا مہم غو اہتمام کیو جارہی ہے مرکزی تقریبات سرینگر غا بخشی اسٹیڈیم تے جموں غا مولانہ سٹیڈیم مانہ وے غی وزیر اعلیٰ عمر عبداللہ سرینگر غی تقریب غی صدارت کریں گا۔ جڈ کہ نائب وزیر اعلیٰ سریندر چودھری جموں مانہ سلامی لین غا معزز وزراء اکینہ اتو اننت ناگ، جاوید احمد راناں پونچھ، جاوید احمد ڈار بارہمولہ تے ستیش شرما کٹھوعہ ضلع سطح غی تقریبات غی قیادت کریں گا۔ ڈی ڈی سی چئیر پرسنز سب ڈویژنل مجسٹریٹ تے تھسیدار اپنا اپنا ضلع سب ڈویژن تے بلاک غی تقریبات غی صدارت کریں گا۔ تانجے اس قومی تہاڑا نانہ فخر تے اتحاد نال مناویو جاسکے۔

I DAY CELEBRATIONS

یوم آزادی غی تقریبات غا سلسلہ مانہ جموں کشمیر بھر مانہ خُب الوطنی غا رنگ بکھر گیا ہیں پونچھ مانہ ضلعی انتظامیہ نے ہر گھر ترنگا مہم غے تحت پانچ کلو میٹر لمبی انسانی رنجیر بنائی اس مانہ 5 ہزار تیں متہ شرکاء جن مانہ افران، طلباء تے رضاکار شامل تھ۔ شیر کشمیر پل تیں گراں داربلا توڑی رنگ لہرا تا کھلا ہیں۔ اونگا ادھمپور مانہ ٹریفک پولیس نے ایس ایس پی ٹریفک این ایچ عادل حمید غی قیادت مانہ ترنگا ریلی کڈی جس مانہ اسکول غا طلباء نے جوش و خروش غے نال حصو لیو۔ ریلی غو مقصد قومی اتحاد تے سڑکاں غی حفاظت غو پیگام دینو تھو۔ یہ ریلی شہر غا اہم رستاں تیں گزرتی وی شہید چوک ور دومیل ور اختتام پزیر ہوئی۔

CS KHELO INDIA SPORTS

چیف سیکرٹری اٹل ٹولو غی زیر صدارت 21 تیں 23 اگست توڑی ڈل جھیل مانہ کھیلو انڈیا واٹر سپورٹس فیسٹیول 2025 وے غو، 800 کھڈاری مختلف مقابلان مانہ حصو لین غا، افتتاحی تقریب مانہ ٹرون شو تے روایتی رقص شامل وین غا۔

ANNOUNCEMENT

علاقائی خبراں آلا شعبہ آکاشوانی جموں 14 اگست 2025 نانہ ویبہاجن ویبھیسیکا سمرتی دیوس گاہ عنوان نال 25 منٹ غو ایک خصوصی پروگرام تہاڑی 12 بجے نشر کرے غو اس پروگرام مانہ مارا مہمان وین غا معروف تاریخ دان ادیب تے سیاسی تجزیہ کار پروفیسر ہری اوم ان تیں علاوہ پی ٹی آئی بیورو چیف انیل بھٹ وی مزکورہ مضمون ور اپنا خیالات سانجا کریں غا اس پروگرام غی میزبانی کریں غا مارا اینکر جگموہن شرما سامعین یوہ پروگرام میڈیم ویو 303 میٹر یعنی 990 کلو ہٹر، ایف ایم 100.3 میگا ہٹر تے ایف ایم 104.5 میگا ہٹر ور سُن سکیں۔

ANNOUNCEMENT

علاقائی خبراں آلا شعبہ آکاشوائی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع جموں گا بسنیک وین تے ان غی عمر 24 براں تیں براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ 50 مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوائی پنجتر تھی جموں مانہہ بزات خود آئیندہ ور دستیاب ہے۔ www.newsonair.gov.in اگست 2025 توڑی دے سکیں۔ اس بارے مزید جانکاری ویب سائٹ 31

NEWS READ BY ABDUL REHMAN
NEWS EDITOR ABHILASHA SHARMA
SKILLED TARSEM
TECH ASST PALLAVI
DEO NUSRAT